

Ինչպես վերը հիշատակեցինք Մշո Տոնականի պրակների մի մասի թերթաքանակը խայսաբեղեւ է: Սովորաբար յուրաքանչյուր ձեռագրի պրակների քանակը կայուն է լինում, և եթէ երբեք թերթի է կազմվում որեւէ պրակ, գրիչը զգուշացնում է այդ մասին, բնագիրը թերթի շղիտելու համար: Այսպես, Գեորգ Սկեռացին 1267 թ. ընդօրինակած իր ձեռագրում ԺԲ պրակի ստորին լուսանցքում զգուշացնում է. «այս տետրս Դ թուղթ է», որովհետեւ մյուս բոլոր տետրերը կամ պրակները 12-ական թուղթ ունենին: Հատկապես յոթ թերթանոց պրակ անհնարին է կազմել, որովհետեւ պրակի թերթաքանակը պետք է զույգ լինի: Բայց Մշո Տոնականում այն հնարավոր է եղել: Այստեղ պրակները կազմելիս թերթերը ամբողջությամբ, առանց երկտակելու դրվել են իրար վրա և ոչ թե ծալվել ու դրվել իրար մեջ:

Եթէ այդպես է, հնարավոր էր, որ որոշ պրակներ, նույնիսկ կենտ թերթաքանակ ունենալին և որոշ խախտումներ լինեին նրանց միօրինակության մեջ, ինչպես և կա:

Տոնականի 600 մագաղաթյա թերթերը, եթէ նկատի ունենանք նրանց մեծությունը, բավականին պատկանելի քանակ են կազմում, որպեսզի այսօր էլ հիացնեն և զարմացնեն դիտողին, քանի որ այն ստացվել է այդքան մատուցալարժանների մորթիներից և վկայում է մագաղաթի պատրաստման արվեստի կատարելությունը միջնադարյան Հայաստանում:

Բ

Մշո Տոնականը նշանավոր է ոչ միայն ծավալային մեծությամբ, այլ նաև իր բովանդակության հարստությամբ: Այն պարունակում է ներբողյաններ և վարդապետական ճառեր, թղթեր և պատմական բովանդակությամբ ընտիր հատվածներ, մեկնություններ, կանոններ, վարքեր, վկայաբանություններ և այլն, և այլն: Նրան նախորդող Տոնականներից մեզ հասած ամենահարուստը Տիմրիկի Նեղկուկ գյուղում 1194 թ. ընդօրինակվածն է, որը 233 նյութ-միավոր ունի⁹, իսկ նրանից հետո 1307 թ. Ղրիմում ընդօրինակվածը՝ 287¹⁰: Այնինչ Մշո Տոնականի նյութ-միավորների քանակը, չնայած իր կորած մասերի¹¹, 327-ի է հասնում¹²: Միայն ճառերի և ներբողյանների հեղինակները անցնում են քառասունից: Մի այդքան էլ մյուս նյութերի հեղինակներն են: Բազմաթիվ նյութեր է պարունակում Տոնականը Գրիգոր Լուսավորչից, Սահակ Հայրապետից, Նդիշեից, Մովսես Խորենացուց, Դավիթ փիլիսոփայից, Սեբեոսից, Աբրահամ Մամիկոնեից, Էպիսկոպոսից, Զաքարիա կաթողիկոսից, Սահակ կաթողիկոս Գ. Զուրաբիորեցուց, Իգնատիոս վարդապետից և հայազգի այլ մատենագիրներից:

Տոնականի նյութերից շատերը նշանավոր են իրենց հնությամբ, նույնիսկ եզակիությամբ: Հիշենք մի քանիսը. «Ի պատմութենէ Հերակղի. վասն աւերածոյն Երուսաղէմի եւ տանելոյն ի գերութիւն զսուրբ փայտ խաչին Քրիստոսի

⁹ F. Macler, Catalogue des manuscrits arméniens... de la Bibliothèque National, Paris, 1908, էջ 48—54, ձեռ. № 110:

¹⁰ Անդ, էջ 57—61, ձեռ. № 116—118:

¹¹ «Երանելւոյն Զաքարիայի հայոց կաթողիկոսի...» ճառին, որ կրում է ՃԿԶ համարը, հաջորդող ճառը ՃԿԷ համարն ունի և սկսվում է նոր էջից «Նորին Յոհաննու ասացեալ...» ճառով: Նշանակում է դրանց միջև եղած թերթը պարունակել է մի ուրիշ ճառ Հովհաննես Ոսկեբերանից, որ այժմ չկա:

¹² Հաշվի մեջ են նաև վնասվելու գտնվող թերթերում պարունակվող ութ ճառերը: